



დამტკიცებულია

შპს ამერიკული უმაღლესი  
საერთაშორისო სკოლა-კოლეჯი  
პროგრესის

დირექტორის 2021 წლის 15  
ოქტომბრის N1/17 ბრძანებით

ამერიკული უმაღლესი საერთაშორისო სკოლა-კოლეჯი „პროგრესი“  
American International High School-College „Progress“



მოსწავლეთა

თითმმართველობის

დებულება 2021წ.

## მოსწავლეთა თვითმმართველობის დებულება

### მუხლი 1. ზოგადი დებულებები

- 1.1. მოსწავლეთა თვითმმართველობა არის „ზოგადი განათლების შესახებ“ საქართველოს კანონის 47-ე და 48-ე მუხლების შესაბამისად არჩეული ორგანო. იგი წარმოადგენს სკოლის სტრუქტურულ ერთეულს და უფლებამოსილებას ახორციელებს მომდევნო სასწავლო წელს თვითმმართველობის ახალი არჩევნების ჩატარებამდე.
- 1.2. მოსწავლეთა თვითმმართველობა დაკომპლექტებულია საბაზო და საშუალო საფეხურის მოსწავლეებისაგან.
- 1.3. მოსწავლეთა თვითმმართველობა ვალდებულია, თავისი საქმიანობა წარმართოს ამ დებულების საფუძველზე და მის შესაბამისად, წვლილი შეიტანოს მოსწავლეთა განვითარებაში.

### მუხლი 2. მოსწავლეთა თვითმმართველობის მიზნები:

- 2.1. მოსწავლეთა თვითმმართველობის ძირითადი მიზნებია:
  - 2.1.1. ხელი შეუწყოს სკოლის მართვის პროცესში მოსწავლეთა ჩართულობასა და მათი იდეების განხორციელებას;
  - 2.1.2. მოსწავლეებში გაზარდოს სოციალური პასუხისმგებლობის და ორგანიზებულობის ხარისხი;
  - 2.1.3. მოსწავლეთათვის პრობლემური თუ აქტუალური საკითხების განხილვა და სკოლის მმართველობითი ორგანოების ინფორმირება. აგრეთვე, მათ მოგვარებაში ჩართულობა;
  - 2.1.4. მოსწავლეთათვის თეორიული ცოდნის შეძენისა და პრაქტიკული უნარების განვითარები მიზნით სხვადასხვა საგანმანათლებლო აქტივობის ორგანიზება;
  - 2.1.5. სასკოლო კლიმატისა და კულტურის გაუმჯობესებაში მოსწავლეთა ჩართულობის გაზრდა;
  - 2.1.6. მოზარდის გონებრივი და ფიზიკური უნარ-ჩვევების განვითარება, ცხოვრების ჯანსაღი წესის პოპულარიზაცია. ამ მიზნების ხელშემწყობი კლუბების და აქტივობების ფორმირება;
  - 2.1.7. მოსწავლის მიერ ოჯახის, საზოგადოების, სახელმწიფოსა და გარემოს წინაშე საკუთარი უფლება-მოვალეობების გაცნობიერებაში ხელშეწყობა.

### მუხლი 3. მოსწავლეთა თვითმმართველობის ძირითადი ფუნქციები

თვითმმართველობა დასახული მიზნების მისაღწევად ახორციელებს შემდეგ ძირითად ფუნქციებს:

- 3.1. შეიმუშავებს და დირექტორს წარუდგენს მოსაზრებებს სხვადასხვა საკითხთან დაკავშირებით;
- 3.2. სკოლის ბალანსზე არსებული ფინანსების, ინვენტარის, ფართის ან სხვა საკუთრების გამოყენების საჭიროების შემთხვევაში, აწარმოებს მოლაპარაკებას დირექტორთან;
- 3.3. იცავს მოსწავლეთა ინტერესებს და მათ უფლებებს. საჭიროების შემთხვევაში შუამდგომლობს მოსწავლეებს სკოლის დირექციასთან;
- 3.4. ხელს უწყობს სკოლაში არსებული კლუბებში მოსწავლეთა აქტიურ ჩართულობას;
- 3.5. მონაწილეობას იღებს სკოლაში მიმდინარე ღონისძიებების, პროექტების დაგეგმვასა და განხორციელებაში;
- 3.6. სკოლის ტერიტორიაზე გეგმავს გამოფენებს, ჩემპიონატებს, კონკურსებს და სხვა სახის აქტივობებს, სკოლის დირექტორთან შეთანხმებით;
- 3.7. შეიმუშავებს რეკომენდაციებს სკოლის შინაგანაწესთან დაკავშირებით;
- 3.8. დირექტორს წარუდგენს წინადადებებს სკოლისათვის მნიშვნელოვან ყველა საკითხთან დაკავშირებით;
- 3.9. სკოლის წესდებით დადგენილი წესით და საქართველოს კანონმდებლობის შესაბამისად მონაწილეობს მოპოვებული გრანტის განკარგვაში;
- 3.10. წევრთა ერთი მეხუთედის ინიციატივით ქმნის სასკოლო კლუბებს და ირჩევს მათ ხელმძღვანელებს.

#### მუხლი 4. მოსწავლეთა თვითმმართველობის არჩევის წესი

- 4.1. საბაზო და საშუალო საფეხურის მოსწავლეები ირჩევენ თვითმმართველობას.
- 4.2. თვითმმართველობის წევრები აირჩევიან თანასწორობის საფუძველზე, ფარული კენჭისყრით, კლასების მიხედვით თანაბარი წარმომადგენლობის პრინციპის დაცვით.
- 4.3. მოსწავლეთა თვითმმართველობის არჩევნები, ამ დებულების 3.2 პუნქტში აღწერილი პრინციპების დაცვით, შესაძლოა ჩატარდეს სრულად ფიზიკურ გარემოში, სრულად ონლაინ ფორმატში ან ამ ორი ფორმატის სინქრონიზებით - ჰიბრიდულ რეჟიმში.
- 4.4. საბაზო და საშუალო საფეხურის მოსწავლეთა თვითმმართველობის არჩევნები ტარდება სასწავლო წლის დაწყებიდან ერთი თვის ვადაში.
- 4.5. მოსწავლეთა თვითმმართველობის არჩევნების ჩატარების თარიღს და ფორმატს (ფიზიკური თუ ონლაინ/ციფრული) ნიშნავს სკოლის დირექტორი.
- 4.6. თითოეული კლასის მოსწავლეები ირჩევენ ორ-ორ წარმომადგენელს, მომდევნო სასწავლო წელს მოსწავლეთა თვითმმართველობის ახალი არჩევნების ჩატარებამდე.

- თანაბარი ხმების არსებობის შემთხვევაში იმართება მეორე ტური, რომელშიც მონაწილეობენ მხოლოდ თანაბარი ხმების მქონე კანდიდატები.
- 4.7. მოსწავლეთა თვითმმართველობის არჩევნებში მონაწილეობის მიღების უფლება აქვს, საბაზო და საშუალო საფეხურის ყველა მოსწავლეს.
  - 4.8. საბაზო და საშუალო საფეხურების თითოეული კლასის მოსწავლე ხმას აძლევს ორ კანდიდატს. გამარჯვებულად მიიჩნევა ის ორი მოსწავლე, რომლებიც შესაბამის კლასში ყველაზე მეტ ხმას მოიპოვებენ.
  - 4.9. მოსწავლეები, რომელთაც სურთ გახდნენ თვითმმართველობის წევრები, რეგისტრაციას გადიან შესაბამისი კლასის დამრიგებელთან არჩევნების ჩატარებამდე არა უგვიანეს 5 დღით ადრე. დამრიგებლის არყოფნის შემთხვევაში კი სკოლის თვითმმართველობის კოორდინატორთან.
  - 4.10. მოსწავლეთა თვითმმართველობის წევრობის კანდიდატებს უფლება აქვთ აწარმოონ წინასაარჩევნო აგიტაცია და კამპანია.

#### **მუხლი 5. მოსწავლეთა თვითმმართველობის თანამდებობის პირთა არჩევნების პროცედურა**

- 5.1. მოსწავლეთა თვითმმართველობის წევრები არჩევნების შედეგების გამოქვეყნებიდან 7 დღის ვადაში, სიითი შემადგენლობის უმრავლესობით ირჩევენ თვითმმართველობის პრეზიდენტს, ვიცე-პრეზიდენტს და მდივანს.
- 5.2. მოსწავლეთა თვითმმართველობის პრეზიდენტი, ვიცე-პრეზიდენტი და მდივანი აირჩევიან მოსწავლეთა თვითმმართველობის მოქმედების ვადით.
- 5.3. მოსწავლეთა თვითმმართველობის პრეზიდენტი ხდება პირი, ვინც მიიღებს ხმათა უმრავლესობას.
- 5.4. კენჭისყრის შედეგად მიღებული ხმების რაოდენობით საუკეთესო შედეგების მქონე მეორე კანდიდატი ხდება ვიცე-პრეზიდენტი.
- 5.5. ამავე სხდომაზე კენჭისყრით აირჩევა თვითმმართველობის მდივანი.

#### **მუხლი 6. მოსწავლეთა თვითმმართველობის თანამდებობრივი ფუნქციები**

- 6.1. მოსწავლეთა თვითმმართველობის პრეზიდენტი არის მოსწავლეთა თვითმმართველობის უმაღლესი თანამდებობის პირი.
- 6.2. მოსწავლეთა თვითმმართველობის პრეზიდენტი:
  - 6.2.1. ხელმძღვანელობს მოსწავლეთა თვითმმართველობას;
  - 6.2.2. მოსწავლეთა თვითმმართველობის კოორდინატორთან თანამშრომლობით ორგანიზებას უწევს თვითმმართველობის საქმიანობას;



- 6.2.3. წარმოადგენს მოსწავლეთა თვითმმართველობას სკოლის დირექციასთან და მესამე პირებთან ურთიერთობაში;
  - 6.2.4. კოორდინაციას უწევს მოსწავლეთა თვითმმართველობის მიერ შექმნილი კლუბების საქმიანობას;
  - 6.2.5. ვიცე-პრეზიდენტთან და მდივანთან ერთად შეიმუშავებს სხდომების დღის წესრიგს და განსაზღვრავს რეგლამენტს;
  - 6.2.6. კანონმდებლობით დადგენილი წესით ახორციელებს სხვა უფლებამოსილებებს.
- 6.3. მოსწავლეთა თვითმმართველობის ვიცე-პრეზიდენტი არის პრეზიდენტის მოადგილე.
- 6.4. ვიცე-პრეზიდენტი:
- 6.4.1. ასრულებს პრეზიდენტის უფლებამოსილებას მისი არყოფნის შემთხვევაში;
  - 6.4.2. პრეზიდენტთან და მდივანთან ერთად, შეიმუშავებს დღის წესრიგს და ადგენს რეგლამენტს.
- 6.5. მოსწავლეთა თვითმმართველობის მდივანი:
- 6.5.1. პრეზიდენტთან შეთანხმებით, ადგენს თვითმმართველობის სხდომების დღის წესრიგს და უზრუნველყოფს სხდომების რეგლამენტის დაცვით წარმართვას;
  - 6.5.2. უზრუნველყოფს თვითმმართველობის სხდომების დაოქმებას.
- 6.6. მდივნის არყოფნის შემთხვევაში, სხდომის შესახებ ჩანაწერებს აკეთებს თვითმმართველობის კლუბის კოორდინატორი ან თვითმმართველობის კოორდინატორის დავალებით, თვითმმართველობის რომელიმე წევრი.

## **მუხლი 7. მოსწავლეთა თვითმმართველობის წევრისა და პრეზიდენტისათვის უფლებამოსილების შეწყვეტის წესი**

- 7.1. მოსწავლეთა თვითმმართველობის პრეზიდენტისათვის/წევრისათვის უფლებამოსილების ვადამდე შეწყვეტის საფუძველია:
- 7.1.1. პირადი განცხადება;
  - 7.1.2. მოსწავლის სტატუსის შეჩერება/ სკოლიდან ამორიცხვა/ სწავლის დასრულება;
  - 7.1.3. სკოლის შინაგანაწესის ან წინამდებარე დებულების წესების უხეში დარღვევა;
  - 7.1.4. არასაკმაყოფილო მიზნით 2 თვის მანძილზე მასზე დაკისრებული მოვალეობის შეუსრულებლობა;
  - 7.1.5. სასამართლოს მიერ ქმედუუნაროდ, გარდაცვლილად ან უგზოუკვლოდ დაკარგულად გამოცხადება;
  - 7.1.6. სხვა ობიექტური გარემოება.
- 7.2. მოსწავლეთა თვითმმართველობის წევრის მიერ 8.1 პუნქტში ჩამოთვლილი მიზეზებით თვითმმართველობის დატოვების შემთხვევაში, თვითმმართველობიდან

გასული წევრის ადგილს იკავებს საკლასო არჩევნების (ან კლასში ჩატარებული არჩევნების) რეიტინგში მესამე ადგილზე გასული პირი.

- 7.3. იმ კლასში, რომელსაც წარმოადგენდა პირი, რომელმაც თვითმმართველობა დატოვა, თვითმმართველობის წევრობის მსურველი მესამე კანდიდატის არარსებობის ან/და მესამე კანდიდატის მიერ უარის თქმის შემთხვევაში ან/და თვითმმართველობის არჩევნიდან 3 თვის გასვლის შემდეგ, ჩატარდება კენჭისყრა თვითმმართველობის ახალი წევრის ასარჩევად.
- 7.4. მოსწავლეთა თვითმმართველობის პრეზიდენტის უფლებამოსილების ვადამდე შეწყვეტის შემთხვევაში, მოსწავლეთა თვითმმართველობა დარჩენილი წევრებიდან ირჩევს პრეზიდენტს დარჩენილი უფლებამოსილების ვადით.

### მუხლი 8. თვითმმართველობის მუშაობის წესი

- 8.1. მოსწავლეთა თვითმმართველობას ხელმძღვანელობს თვითმმართველობის მიერ არჩეული პრეზიდენტი, ხოლო მისი არყოფნის შემთხვევაში სხდომას წარმართავს ვიცე-პრეზიდენტი. ვიცე-პრეზიდენტის არყოფნის შემთხვევაში სხდომას თავმჯდომარეობს სხდომის უხუცესი წევრი.
- 8.2. თვითმმართველობის პირველი სხდომა იმართება მოსწავლეთა თვითმმართველობის არჩვიდან 7 დღის ვადაში, ხოლო შემდგომ - ყოველკვირეულად, ერთსადაიმთხვე დღეს.
- 8.3. მოსწავლეთა თვითმმართველობის მიერ მიღებული გადაწყვეტილებები დასტურდება შესაბამისი ოქმებით, რომელსაც ადგენს მდივანი.
- 8.4. თვითმმართველობის წევრთა რიგგარეშე სხდომა შეიძლება ჩაინიშნოს თვითმმართველობის პრეზიდენტის გადაწყვეტილებით, თვითმმართველობის კლუბის კოორდინატორის ინიციატივის ან/და თვითმმართველობის წევრთა  $\frac{1}{3}$ -ის ინიციატივის საფუძველზე.
- 8.5. თვითმმართველობის მიერ დაგეგმილი ღონისძიებების, აქტივობებისათვის მზადებისათვის საჭირო დამატებითი შეხვედრები შეიძლება ჩაინიშნოს თვითმმართველობის პრეზიდენტის გადაწყვეტილებით, თვითმმართველობის კლუბის კოორდინატორის ან/და ღონისძიების, აქტივობის დაგეგმვა/განხორციელებაზე პასუხისმგებელი პირის დასაბუთებული ინიციატივის საფუძველზე.

### მუხლი 9. თვითმმართველობის დაფინანსების წყაროები:

მოსწავლეთა თვითმმართველობის დაფინანსების წყაროებია:



- 8.1. სკოლის ბიუჯეტი;
- 8.2. მოსწავლეთა მიერ მოპოვებული გრანტები, შემოწირულობები;
- 8.3. სხვა, კანონით ნებადართული შემოსავლები.

## მუხლი 10. დებულების დამტკიცება და ცვლილებების შეტანა

- 10.1. დებულების დამტკიცება, მასში ცვლილებებისა და დამატებების შეტანის საკითხი განიხილება დირექტორის, მოსწავლეთა თვითმმართველობის, მისი კოორდინატორის წევრთა საერთო კრებაზე.
- 10.2. დებულებაში დამატებისა და ცვლილებების ინიცირების შესახებ საერთო კრების მოწვევა ხდება შემდეგ შემთხვევაში:
  - 10.2.1. დირექტორის უშუალო ინიციატივით;
  - 10.2.2. მოსწავლეთა თვითმმართველობის კოორდინატორის ინიციატივის საფუძველზე;
  - 10.2.3. თვითმმართველობის წევრთა მომართვის საფუძველზე, თვითმმართველობის წევრ მოსწავლეთა არანაკლებ 2/3-ის თანხმობით.